

GERDT MEYER BRUUN AS
Fjøsangerveien 71
5073 BERGEN

Dato: 24.01.2017
Vår ref.: 2015/2163-117
Saksbehandlar: irekron
Dykkar ref.:

Reperbanen på Fjøsanger - gnr 159 bnr 52 - Bergen - Askeladden ID: 87179-1 – Ekstraløyving statsbudsjettet 2016 kap 1429 post 71 Tilskot til freda kulturminne i privat eige, kulturmiljø og kulturlandskap - Underretting om tildeling

Vi viser til søknaden Dykkar, dagsett 28.10.2015.

Søknaden vart handsama av Utval for kultur, idrett og regional utvikling i møte 06.12.2016, sak 166/16.

Utval for kultur, idrett og regional utvikling vedtok å gje eit **ekstratilskot på kr 225.000,-** av midlar frå statsbudsjettet 2016 frå kap. 1429 post 71 - tilskot til freda kulturminne i privat eige, kulturlandskap og kulturmiljø.

Tilskotet skal nyttast til vidareføring av takarbeidet på bygning A.

Grunngjeving

Istandsettinga av Reperbanen på Fjøsanger er eit prosjekt som har gått over fleire år og som vil halde fram i mange år til. Ein har valt ein framgangsmåte der ein i denne fasen prioriterer istandsetting av takkonstruksjonen på dei stadane som har størst trong for det. Vi meiner at det vidare arbeidet med taket vert prioritert, og dersom eigar ønskjer å prioritere annleis, må dette i så fall gjerast i samråd med administrasjonen. Arbeidet på taket er "uproblematisk" og vil i liten grad medføre faglege utfordringar. Bygningen er enkelt konstruert, og restaureringsarbeidet vil bere preg av repeterande oppgåver og problemstillingar. Prosjektet har god styring og gjennomføringsevne og arbeidet blir utført i tråd med retningslinjer for istandsetting av freda bygg.

Kontaktperson i HFK er Roald Landøy når det gjeld den faglege utføringa, og Stein Ottosen når det gjeld økonomi/utbetalingar.

Tidsavgrensing

Tilskotet gjeld for inneverande år og ut påfølgjande år.

Godkjende planar

Det må liggja føre planar godkjende av fylkeskonservatoren, **før** arbeidet vert sett i gang.

Dei fleste inngrep i freda bygningar krev dispensasjon etter kulturminnelova § 15a. Tilsegn om tilskot er ikkje det same som dispensasjon. Før det vert sett i gang arbeid som inneber utskifting av material og/eller

byggningsdelar, ny overflatehandsaming eller farge, eller anna arbeid som går ut over enkelt vedlikehald på freda bygningar, må det difor sendast eigen dispensasjonssøknad der dei planlagde tiltaka vert skildra detaljert. Hastar det med å koma i gang med arbeidet, kan De ringa oss v/ Erlend Hofstad 55 37 80 24), så skal me vera så raske og fleksible som mogleg for å få det formelle på plass.

Arbeidsgjevaransvar

Søkjaren må sjølv stå som arbeidsgjevar for dei handverkarane som utfører arbeidet. Dette inneber at rekningar skal adresserast til søkjar, som må forskottera utbetalinga.

Vilkår for utbetaling av tilskot

Det utførte arbeidet skal godkjennast av fylkeskonservatoren for utbetaling. Søkjar må senda oss rekneskapsoversikt med kopiar av bilag tilsvarande ein sum minst så stort som tilskotet. Det må takast atterhald om heil eller delvis tilbakebetaling av tilskotsmidlane dersom det viser seg at prosjektet ikkje er blitt gjennomført etter føresetnaden. Søkjaren må senda rapport om det utførte arbeidet, dokumentert med fotografi, både før og etter arbeidet.

Fylkeskommunen og fylket sin revisor skal ha høve til å setje i verk kontroll med at midlane vert forvalta slik som føresett. Fylkeskommunen og fylket sin revisor skal ha rett til dei opplysningane ein finn påkrevd for sin kontroll.

Retningslinene frå Riksantikvaren

Vi legg ved retningslinene frå Riksantikvaren, men gjer merksam på at De i denne saka skal kontakta **Hordaland fylkeskommune og ikkje Riksantikvaren**. Vi gjer også merksam på at skjemaet **aksept for vilkår av tilskudd** må returnerast seinast **4 veker** etter at dette brevet er motteke.

Vedtaket kan påklagast til Riksantikvaren, jf. forvaltningsloven § 28. Ein eventuell klage skal stilast til klageinstansen, men sendast Hordaland fylkeskommune innan tre – 3 veker frå mottaking av dette brevet.

Per Morten Ekerhovd
kst. fylkesdirektør kultur og idrett

David Aasen Sandved
kst. fylkeskonservator

Sakshandsamar: Erlend Hofstad, Stein Ottosen, Roald Landøy

Brevet er godkjent elektronisk og har derfor inga underskrift.

Vedlegg

- 1 Akseptskjema som skal signerast og sendast i retur til Hordaland fylkeskommune